



## Rapport annual 2020

Cumanzé vaiva l'on cun schlantsch, nouvs progets e nouvas ideas. Ma sco sco cha'l proverbi disch: pel prüm „vain oura tuot oter“ e pel seguond “sco pensà”. Tuot inaspettadamaing es ruott'oura la pandemia Covid-19. Per tuot la populaziun sün nos planet ha quai gnü tremendas consequenzas, per gronda part severas e tristas.

Las consequenzas per nos museum sun natüralmaing supportablas, han però chaschunà divers müdamaints areguard nos progets e nossas activitats. Ouramai cha viadis à l'exteriur sun crodadats oura, han Svizras e Svizzers tut la chaschun per tour à cognuoscher danovmaing nos pajais.

Eir nossa regiun ha pudü notar bainquant daplü giasts sco in oters ons. Nos museum ha pudü constatar ün augmoint da visitas considerabel, bod ün terz visitas implü. Da l'otra vart stà üna gronda perdita d'entradas da guidas tras cumün e museum organisadas tras l'organisaziun turistica TESSVM. Il motiv: las ordinaziuns Covid-19 han scumandà talas guidas per la gronda part. Eir i'l 2021 sun las restricziuns per guidas fin hoz amo adüna per part in vigur.

Displaschaivelmaing vaina eir stuvü desdir l'occurenza previssaa „Plaz da filar“ e la surdatta da passivas da dinaosaurs dal Piz S-chalambert ha eir stuvü gnir suspaisa.

In seguit ün per chavazzins ed infuormaziuns sur da masüras, activitads, occurenzas e progets da l'on passà, cun ün sguard eir aint l'on 2021:

- **Masüras Coronavirus 1:** Sün fundamaint dad infuormaziuns e prescripziuns da l'organisaziun tettala dals museums Svizers VMS e da l'administraziun federala vaina tanter oter stuvü elavurar e publichar un concept da protecziun Covid-19 e pro la chascha laschar far traptartidas in “Plexiglas” ed installer ün system da pajamaint cun cartas. Las traptartidas in Plexiglas han dafatta survgni cumplimaints da giasts.
- **Masüras Coronavirus 2:** Causa las directivas da las instanzas federalas nu vaina pudü salvar la radunanza in preschentscha fisica dals commembers. Sco bleras otras instituziuns e dittas vaina decis da tila manar tras in scrit, quai chi ha chaschunà lavur implü, chi ha pero funcziunà fich bain e cun ün'ota partecipaziun. Il protocol da la radunanza generala as chatta sülla pagina d'internet dal museum.

- **Exposiziun da stà:**

Pervi da las ordinaziuns Covid-19 ha suprastanza decis da prolungar l'exposiziun Olgiati fin la fin d'avuost. Als 05 settember vaina pudü invidar la populaziun a la vernissascha per la nouva exposiziun cun fotografias in culur ed in grond format dal cuntschaint fotograf pionier svizer Peter Ammon. I's po verer las fotografias cha sar Ammon vaiva realisà in chasas paurilas d'Engiadina Bassa l'ls ons 1956 – 59, be court davu la fundaziun da nos museum, in divers locals, dal local d'exposiziun fin gio in stalla. Sar Emanuel Ammon, il figl dal fotograf, d'eira preschaint à la verissascha chi ha gnü grond'accoglientscha.

Reto Strimer ha retscherchà tuot las personas indigenas süllas fotografias da Peter Ammon ed Armon Parolini ha sünquai s-chaffi las legendas toccantas chi stan uossa pro las fotografias. Usché pudain invidar à la vernissascha definitiva da l'exposiziun completa chi ha lö in dumengia, als 20 gün güsta davu la radunanza generala.

- **Preschantaziun da l'istorgia da l'Engiadina Bassa**

In schner s'ha il president inscuntrà cun l'istoricher dr. Paul E. Grimm e cul manader dal servezzan archeologic chantunal dr. Thomas Reitmaier. Els elavuran las basas preistoricas e istoricas per la preschantaziun da l'istorgia da l'Engiadina Bassa in fuorma per part analoga e per part digita. Causa corona han lura quistas lavuors stuvü gnir spostadas sün 2021 / 2022.

- **Nouva pagina d'internet**

Armon Parolini ha stuvü constatar cha nossa pagina d'internet fatta avant pacs ons nu funcziuna plü. Ella ha eir chaschunà per rebombs negativs.e la suprastanza ha decis da s-chaffir üna nouva pagina, cun novas descripiuns e cun fotografias attractivas dal fotograf Dominik Täuber.

- **Fresco "Anna Selbdritt"**

Las survagliadras ed il survagliader han giavüschà da discutir co drizzar aint melgder lur plaz da lavur, p. ex chaschuots persunals chi's po serrar culla clav. In vista a quelle nouva fuormaziun d'entrada ha Linard Marugg demontà la tabla d'infuormaziun. Sco cha l'istoricher Paul Grimm vaiva manzunà üna jada cha là davovart as chatta ün "purtret da valur".

Quist "purtret" es in vardà ün vair s-chazi in nos museum: ün fresco da ca. da l'on 1500, derivant our da la baselgia da Sent. Il fresco es üna rarità, ün oter exaimpel in nos chantun daja amo illa baselgia da Fex. No vain tut sü contact culla chüra da monumaints chantunala. Quella ans ha protramiss copchas da divers documaints ed ans ha cusglià da consultar sar Ivano Rampa, ün retauratur cun experientscha. Sar Rampa ha tut suot ögl l'oget e proponü dad almain laschar salvar il stadi actual dal fresco chi vaiva patì ferm l'ls ultims ons causa masüras na adattadas..La suprastanza propuona da seguir quist cussagl.

## **Ingrazchamaint**

Üna bell'incumbensa dal president es da pudair ingrazchar, eir in nom da tuot la suprastanza. Eu less ingrazchar grondamaing per l'ngaschamaint dals commembers da suprastanza Aita Dermont Stupan, Erica Bischoff, Armon Parolini e Reto Strimer, dals revisurs da quint Tina Bott e Jon Pitschen Janett, dals conservaturs Linard Marugg ed Erich Pfranger, da las survagliadras Tina Fried e Barbla Buchli.

Tuot nossas activitats nu füssan pussiblas sainza las contribuziuns finanzialas dal chantun, dals cumüns da Zernez, Scuol e Valsot ed eir da la Corporaziun Energia Engiadina. Ad els tocca ün cordial ingrazchamaint.

02.06.2021, il president: Peter Langenegger